

LENANEO : BA/BAED
THUTO : SEPEDI 3B
KHOUTU : SEP3BB3
TŠATŠIKGWEDI : 15 DIBATSELA/NOFEMERE 2018
NAKO : 12H30 – 15H30
BOIMA : 40:60
PALOMOKA YA MEPUTSO: 100
MOHLAHLOBI WA GAE : MNA M. KGOPA & MNA M. LSHILO
MNA M. KGOPA MOHLAHLOBI WA KA NTLE: NGK. R. RAMAGOSHI (UP)

PALO YA MATLAKALA: MATLAKALA A MARARO

.....
DITAELO: NGWALA DIKARABO KA GO LATELA DINOMORO TŠA MALEBA
.....

POTŠIŠO 1

SERUDU, M S: KELELAGOBEDI

1.1 Hlaloša ka moo mongwadi a tšweleditšego **thulaganyo** ka gona ka papading ye. (25)

GOBA

1.2 Hlaloša ka moo mongwadi a kgonneggo go tšweletša **mehola ya poledišano** ka gona ka papading ye.

MAMABOLO L: MPHOA!

1.3 Hlaloša ka moo **ditiro tša baanegwa** di tšweleditšwego ka gona go hlola dithulano ka papading ye. (25)

2/...

GOBA

1.4 Hlaloša ka moo mongwadi a atlegilego goba a sa atlegago ka gona go kgotsofatša mellwane ya terama ka papading ye. (25)

POTŠIŠO 2

MATSEPE, O K: PHALAFALA YA KOMA

2.1 Badišiša sereto se gomme o arabe dipotšišo tše di se latelago:

NTLOGELE KA WONA MOKGWA WO

1. Ntlogele ka wona mokgwa wo mogwera,
2. Ka leleme o ntlameletše matsogo ka morago;
3. Ge ke realo o se ke wa re ke yo ke tlaišago,
4. Goba bjalo ka mehla le mehla ke go kwera.
5. Se mpotše gore ba go hloile.
6. Ke wena ka noši o itlhoilego
7. Ge nna ke go botša se se loilego,
8. Kgopolo ya ka še: Ga ke re ba go hloile.
9. Ge ba go rata naa ba go pepule,
10. Ge ba go hloile naa ba go itiye?
11. Nna ga ke rate gore ba go itiye,
12. Thintho bjoko bja gago bo go pepule.
13. Ka ge e robala le meno a yona—
14. Go e tsoša o nyaka go longwa ke yona.

2.1.1 Naa sereto se se theilwe godimo ga eng? (2)

2.1.2 Naa sereto se ke mohuta ofe wa sonete? (2)

2.1.3 Laetša morumokwano wo o šomišitšwego seretong se. (7)

2.1.4 Laetša o be o hlaloše ka moo ditematheto tša sereto se di arotšwego ka gona go ya ka diteng. (10)

2.1.5 Hlaloša seo methaladi ya 7 le 12 e se bolelago. (4)

2.1.6. Tsweletša kakaretšo ya sereto se ka methaladi yeo e ka bago ye mehlano. (5)

(30)

3/...

LENTSOANE, HML: MOKGAKO

2.2 Badišiša sereto se gomme o arabe dipotšišo tše di se latelago:

MOENG-MOFSA WA BATHO

1. Ke mang modiri wa dilo tše?
2. Go tonya too!
3. .Ke lesea la go hloka molato,
4. .Le lahlilwe molaleng,
5. Legogwa la lona ke bošweu.
6. Ke tšhwaane yeo e tonyago.
7. Kobo ya lona ke maru le phefo,
8. Mmeleng ke hlapi.
9. Moya o sa o buša,
10. Go lebaleba ke ka bothata.

11. Lefase, o re bontšhetšang mathata?
12. Lefase, ke mang modiri wa dilo tše?
13. A re tobatobeleng maphodiseng,
14. Re a hlabeleng mokgoši a sa tsoga.
15. Re phološeng sebopiwa se sa Modimo.
16. A re mo emaemeleng moeng-mofsa yo.
17. Mo gongwe ke yona naledi ya ka moso,
18. Ke yena Nkrumah o mongwe,
19. Ke yena mophološi,
20. Ke yena mophološi,
21. Moše wa Baswana.

2.2.1 Naa sereto se se theilwe godimo ga eng? (2)

2.2.1 Efa ditlhalošo tša methaladi yeo e thaletšwego. (4)

2.2.2 Tšweletša mehlala ye meraro ya dikapolelo gammogo le seo di se hlalošago go ya ka diteng tša theto (6)

2.2.3 Tšweletša mehlala ye mebedi ya poeletšo ya ditumammogo gammogo le meholo ya yona. (4)

2.2.4 Akaretša sereto se ka methaladi yeo e ka bago ye mahlano. (4)

---oo00oo---